



Akkaataa Laa Ä°laah Ä°llallah Hojii irra oolchan-1

Description

Yaa ummataa koo! Gooftaan keenya Gooftaa tokkicha. Samii torban, dachii fi wantoota isaan keessa jiran hunda kan uume Isa qofa. Kana uumuu keessatti Rabbii tokkicha waliin kan hirmaate ni jiraa? Abadan (gonkumaa) hin jiru. Sababni isaas, Rabbii alatti wantoonni jiran hundi uumamtoota Isaati. Kana jechuun Isatu uume. Uumamtooni uumamuun dura kan hin jirre turan. Wanti duraan hin jirre waa hojjachuun danda'aa? Kanaafu, Rabbii Tokkichatu uumamtoota hunda dhabama irraa argamsiise.

Uumamtoota kan uume Rabbii ol'aanu, Tokkicha Fakkaataa hin qabne erga ta'e, uumamtooni eenyuuf gadi jechuu, of xiqqeessu fi buluu qabuu? Mee naaf himi! Uumamtoota biroo akka isaanii dadhaboo ta'an, wanta hunda too'achuu hin dandeenyeef gadi jechuu fi of xiqqeessuun isaan irraa ni bareedaa? Kanaafu, isaanif kabajaa fi jabeenya wanti ta'uu Rabbii isaan uumeef, qananiisuuuf, aangoo fi too'annaa guutuu addunyaa guutuu keessatti qabuuf gadi jechuu fi buluudha. Kanaan ala wanta isaan hin fayyannee fi hin miineef gadi jechuun, of xiqqeessuun salphinna guddaadh, gadi aantummaadha. Mee ilaali, siidaa, taabotaa fi sibiila hin dhageenyee fi hin argineef gadi jechuu fi kadhachuu maal jettaan? Nama du'e, nabiyyii namarrraa fagoo ta'ee fi uumamtoota biraan hin dhageenyee, haala namaa hin beekne kadhachuu maal jettaan? Kuni salphinna mitii? Sammuun nagaha, eeyyeen kuni salphinna, xiqqeensya jechuun deebisa. Kanaafu, Kan gadi jechuufi, kadhachuu fi garmalee ol guddisuu qaban Rabbii waa hundaa dhagayu, beeku, arguu fi too'atudha.

Dubbii armaan olii kana ibsuuf jechi gabaaban itti fayyadamnu: Laa ilaah illallah dha. Kana jechuun Dhugaan gabbaramaan Rabbii malee hin jiru. Yommuu ibsa biraatin ibsinu: Kan gadi jedhaniif, of xiqqeessaniif, jaalala daangaa ol'aanaa irra gahee jaallatan, garmalee ol-guddisan, waa hundaa irraa kajeelan, gadi of xiqqeessanii kadhatan Rabbii guddaa malee hin jiru. Jecha gabaaban, ibaadaan Rabbiiif malee hin ta'u.

Tawhiinni ibaadaa hundaa Rabbiiif qulqulleessuudha, shirkiiin immoo ibaadaa kana irraa wanta tokko Rabbiiin ala kan biraatiif gochuudha

Maalummaa ibaadaa fi gosoota isaa erga beekne booda, tawhiidu uluuhiyyah jechuun gosoota ibaadaa

hundaan Rabbii oltaâ€™aa tokkichoomsu fi wantoota Isaan ala jiran hundarrraa ibaadaa dhabamsiisuudha. Faallaan kanaa, gosoota ibaadaa irraa hojii tokko Rabbiin ala wanta biraatiif gochuudha. Kuni Rabbii oltaâ€™aatti qindeessu (shirkiidha).

Ibaadaa irraa wanta tokko Rabbiin ala wanta biraatiif gochuun hin hayyamamu. Namni ibaadaa irraa hojii tokko Isaan ala wanta biraatiif godhe, uluuhiyyah (ibaadaa) keessatti Rabbiif shariika (hirmaataa) godhee jira. Ibaadaa irraa hojii tokko Rabbiin ala wanta biraatiif gochuun akka ibaadaa hunda wanta saniif gochuuti. Laa ilaah illallahâ€™n gosoota ibaadaa hunda wantoota Rabbiin ala jiran irraa dhabamsiisti, gosoota ibaadaa hunda Rabbii tokkicha shariika hin qabneef ni raggaasisti (mirkaneessiti).Â

Amantiin Islaamaa Rabbii tokkichaaf harka kennuu, Isa tokkichaaf gadi of qabuu fi gosoota ibaadaa hundaan Isaan ala homtu akka hin gabbaranneedha.

Amanti qulqulleessu (Ikhlaasu diin) jechuun gosoota ibaadaa hunda Rabbii tokkicha shariika hin qabneef gochuudha. Kunis, wanta ilmi namaa hojjachuun hin dandeenye irratti Rabbiin malee homtu kadhatamu hin qabu, Isarraa malee birmannaan barbaadamu hin qabu. Rabbiif malee qalmii hin taâ€™u. Isa malee kan sodaatamu, abdatamu hin jiru. Dhimmoota hunda keessatti Isarratti malee hirkachuun hin jiru. Ibaadaan hundi Rabbii oltaâ€™aa qofaafi. Ibaadaa irraa homtu Malaykaa dhiyefameef, Nabiyyi ergameef, ykn isaan lamaaniin ala uumama kamifiyyuu hin malu. Kuni mataan isaa tawhiida uluuhiyyah Islaamni irratti hundeefamee fi Muslimni kaafira irraa ittiin adda bahuudha. Hiika shahaadaa “Laa ilaah illallah”ti.

Akkuma yeroo darbe jennee Laa ilaah illallahâ€™n arrabaan qofa kan taâ€™u miti. Kana irra, namni warra Laa ilaah illallah keessaa taâ€™uu barbaade, hiika jecha tanaa beekuu, amanuu, ragaa bahuu fi hojii irra oolchuun isarraa eeggama.

Yeroo ammaa namoonni baayâ€™een laa ilaah illallah jedhan hiika jecha tanaa hin beekan. Tawhiidaa fi shirkii addaan hin baasan. Rabbiin ala wanta biraan kadhachuun ykn irratti hirkachuun ykn itti maganfachuun ykn wanta saniif wareegu fi silatii seenuun shirkii jechaa laa ilaah illallah diigu fi balleessu taâ€™uu hin beekan. Akkasumas, shariâ€™aa Rabbiitiin ala seera biraan hordofuu fi ittiin murteessuun shirkii taâ€™uu hin beekan. (Dimookraasin isaan leellisan shirkii akka ta'e hin beekan. In sha Allah gara fuunduraatti dimokraasin akkamitti shirkii akka ta'e bal'innaan ni ilaalla.)

Yaa gabricha Rabbii tawhiidaa fi shirkii irraa wanta isa faallessuu fi diigu barachuuf itti futi. Kuni dirqamoota jalqabaa keessaa tokko. Hanga tawhiida jechi laa ilaah illallah agarsiistu fi wanta dhabamsiistu fi mirkaneessitu beektutti malee Islaama beekuu hin dandeessu.

In sha Allah kuni ulfaataa miti. Rabbiin gargaarsifadhu, hin dadhabin.

Tawhiinni Rabbii tokkicha gabbaruu yoo taâ€™u, shirkiin immoo Rabbiin ala wanta biraat gabbaruudha. Fakkeenyaaaf: salaanni ibaadadha. Rabbii qofaaf salaatun tawhiida. Rabbiin ala wanta biraatiif salaatuun shirkiidha.

Muwahhid (Namni Rabbiin Tokkichoomsu) nama Rabbii tokkichaaf qofa salaatudha. Namni Rabbii fi wanta biraatiif salaate mushrika taâ€™a. Gosooni ibaadaa biroos akkanuma.

Namni Rabbiin ala wanta biraatiif yoo salaate ykn rukuâ€™a buâ€™e ykn sujuude, Rabbiin gabbaruu keessatti Isaan ala wanta biraat hirmaachisee jira. Haaluma kanaan, itti dhiyaachuuf jecha namni Rabbiin ala wanta biraatiif wareege (qalma qalee), ykn Rabbiin ala wanta biraat kadhate (duâ€™aayi godhe), Rabbiin gabbaruu keessatti Isaan ala wanta biraat hirmaachisee jira.

Kana yoo beekne, hundee amantii Muslimaa fi kaafira, Islaamaa fi kufrii addaan baasu ni beeknaa jechuudha.

Dhimmoota baayâ€™ee barbaachisoo beekkamu qaban:

Kanniin beekun surraa eeggama:

- Rabbiif hojji qulqulleessuun ibaada tokko qofa keessatti osoo hin taâ€™in ibaadaa hunda keessatti ni barbaachisa.
- Tawhiinni sirrii hin taâ€™u hanga ibaadaan hundi Rabbiif taâ€™utti malee
- Shirkiin ibaadaa tokko Rabbiin ala wanta biraatiif gochuun ni argama, osoo ibaadaa hafan keessatti shirkii hojjachuu baateyyu.
- Ibaadaa malaykaaf ykn nabiyyiif ykn jinniif ykn sheyxanaaf ykn dhagaaf ykn mukaaf ykn sheykhaaf ykn abbaa murtiif gochuun keessa garaagarummaan hin jiru. Kuni hundi isaanitu shirkiidha. Namni malaykaa, nabiyyoota, saalihoota gabbaree fi namni sanama, jinni, aduu, jiâ€™a gabbare wal qixa. Kunniin hundi isaanitu mushrikoota.

Rabbiin subhaanahu wa taâ€™aalaa ni jedha:

﴿فَمَنْ كَانَ يَرْجُو أَلِقَاءَ رَبِّهِ فَلْيَعْمَلْ عَمَلاً صَالِحًا وَلَا يُشْرِكْ بِعِبَادَةِ رَبِّهِ بِأَحَدٍ﴾

â€œNamni qunnamti Gooftaa Isaa abdatu, hojji gaarii haa hojjatu, Gooftaa isa gabbaruu keessattis eenyullee hin qindeessin.â€ Suuratu Al-Kahf 18:110

Asitti â€œenyulleeâ€• yommuu jedhu, Rabbiin ala wantoota jiran hunda gabbaruu akka hin qabne agarsiisa. Ammas ni jedha:

وَأَعْبُدُواْ اللَّهَ وَلَا تُشْرِكُواْ بِهِ شَيْئًا

â€œRabbiin gabbaraa, homaa Isatti hin qindeessinaa.â€uuratu An-Nisaa 4:36

Akkuma yeroo darbe jenne laa ilaah illallahâ€™tti amanuun dhimmoota sadin galma gaha: Rabbiin malee gabbaru hin qabnu, homaa Isatti qindeessu hin qabnu, wantoota Isaa gaditti gabbaraman hundatti amanuu diduu, mormuu fi irraa fagaachu. Kunnin sadan amanuun, dubbii fi hojiin taâ€™u.

Dhimmoota lamaan kana akkamitti galmaan geenya: Rabbiin malee homaa gabbaruu hin qabnuu, Homaa Isatti hin qindeessinu?

Ibaadaa hundaan Rabbii oltaâ€™aa malee homaa gabbaruu hin qabnu. Rabbiin qofa yoo gabbaree fi wanta biraas gabbaruu yoo dhiisne, nuti mawahhiduun (warra Rabbiin tokkichoomsan), Laa ilaah illallahâ€™tti amanan taana. Yoo Rabbiin gabbarree fi wanta biraas gabbarre, mushrikootaa laa ilaah illallahâ€™tti hin amanne taana.

Amma akkamitti tawhiida hojii irra akka oolchinuu fi shirkii irraa qulqulloofnu beekuuf himoota armaan olii keessatti jecha â€œgabbaruuâ€• jedhu gosoota ibaadaa kutaa darbe keessatti tarreessineen bakka haa buusnu.

Salaata:

Fakkeenyaaaf saganni ibaadadha.

***Tawhiinni**– Rabbiif malee homaafu hin sagannu, Isaan ala wanta biraatiif hin sagannu. **Rabbii Tokkichaaf sagaduu**

Rabbii qofaaf yoo sagannee fi wanta biraatiif sagadu yoo dhiisne, nuti warra Rabbiin tokkichoomsan, laa ilaah illallahâ€™tti amanan taana.

*Rabbitif yoo sagannee fi Isaan ala wanta biraatifs yoo saganne, mushrikoota warra laa ilaah illallahâ€™tti hin amanne taana.Kanaafu,**Rabbii alatti wanta biraatif sagaduu hin qabnu (Isatti homaa hin qindeessinu)**

Duâ€™aayi:

Duâ€™aayin ibaadaadha.

*Tawhiinni – wanta Rabbiin malee namni dandeetti irratti hin qabne argachuuf Rabbiin irraa malee homaayyu kadhachuu dhiisudha. **Rabbii Tokkicha kadhachuu**

Rabbitin qofa yoo kadhannee fi wanta biraas kadhachuu yoo dhiisne, nuti warra Rabbiin tokkichoomsan, laa ilaah illallahâ€™tti amanan taana.


* Wanta Rabbiin malee namni dandeetti irratti hin qabne argachuuf yoo Rabbitin kadhannee fi Isaan ala wanta biraatis kadhannee, mushrikoota warra laa ilaah illallahâ€™tti hin amanne taana. Wanta Rabbitin malee namni dandeetti irratti hin qabne nama irraa kadhachuun mushrika nama taasisa. Fakkeenyaf, nama duâ€™e kadhachuuun mushrika nama taasisa. Kanaafu,**Rabbii gadiitti wanta biraas hin kadhannu (Isatti homaa qindeessu hin qabnu.)**

Ibaadawan biroos haala kanaan ilaalu dandeenya.

Guduunfaa

Rabbiin subhaanahu wa taâ€™aalaa ni jedha:

وَلَا تَدْعُ مِنْ دُونِ اللَّهِ مَا لَا يَنْفَعُكَ وَلَا يَضُرُّكَ فَإِنْ فَعَلْتَ فَإِنَّكَ إِذَا مَنَّ



â€œRabbi gaditti wanta si hin fayyannee fi si hin miine hin kadhatin. Yoo akkas goote, dhugumatti yoosan ati zaalimoota keessaa taata.â€• Suuratu Yuunus 10:106

Sanamas taâ€™i, nama duâ€™es taâ€™i, wanta si hin fayyannee fi hin miine kamiyyuu Rabbii oltaâ€™aa gaditti hin kadhatin. â€œYoo akkas gooteâ€• kana jechuun yoo wanta si hin fayyannee fi hin miine kadhatte, warroota nafsee ofii miidhanii fi balleessan keessaa taata. Sababni isaas, Rabbii oltaâ€™aa gaditti wanta nama hin fayyannee fi hin miine kadhachuun shirkii waan taâ€™eef, kasaaraa guddaa fi azaaba (adabbii) cimaatti nama geessa.

Kitaaba wabii:

al-Jaamiâ€™ul Mufiid liduruusi taâ€™allumi tawhiidi fuula 118-124

Date Created

February 12, 2020

Author

admin